

cerit ; qui in Vicecomitum rebus prodendis , ignobilibus fraterculorum  
 (a) commentariolis usus est , ut mibi dicitur , sub ipsis Principibus , & in  
 ipsorum Principum gratiam conscriptis , quos osculabundus , ut sybillinos , & ar-  
 canorum mysteriorum plenos circumferebat . Sed sic natura comparatum est : quod  
 maxime placet , id quisque optimum & verissimum putat . Quae vero Sabel-  
 licus Merulanae historiae objecit , eadem affirmavit Tristanus Calchus ,  
 Mediolanensis historicus , Merulam testatus , in opere eo contexendo ,  
 nullis auctoribus idoneis , certisve documentis esse usum .

(a) Fr. Andreas Bilia ,  
 Fr. Stephanus Vi-  
 comercatus ,  
 Fr. Galvanus Flam-  
 ma , &c.

(b) Lugd.  
 Batav. ex  
 offic. Elze-  
 vir. CIO.  
 15CXXI  
 in 24.  
 (c) Ibid.p.  
 271. & seqq.

Insuper alii Sabellicum acriter inculant , quod non raro Venetos cum  
 Romanis comparet ; atque in primis Donatus Jannotius Florentinus in  
 Dialogis de Republica Venetorum (b) pag. 15. ubi duo in illo condemnat : al-  
 terum est , quod assentatione manifestissima contulerit nostra cum Romanorum  
 bellis , quae procul dubio vel intervallo quam longissimo non possumus assequi : alte-  
 rum vero est , quod idem multa praeterierit , & misa fecerit , quae satis confidenter  
 afferre poterat , iisque fundamentis innixus utranque rempublicam inter se compo-  
 nere . Accusationi utrique Nicolaus Crassus in Notis ad Jannotium (c)  
 strenue occurrit ; ac primum ait , Sabellicum ipsum ingenue confessum  
 esse , neque amplitudine imperii , neque rerum gestarum gloria Romanae reipubli-  
 cae Venetam exaequandam ; alia tamen quaedam esse , quibus eadem merito riederi  
 queat non solum par , sed superior , cuiusmodi sunt sanctitas legum , juris aequa-  
 tio , innocentia , innata libertas , quin etiam originis primordia , quae probat ho-  
 nestiora multo accidisse , & nobiliora Venetae urbi , quam Romanae . Deinde  
 haec subjicit non diversa multum esse ab iis , quae Jannotius ipse tradit ; adeo  
 ut satis mirari non possit , quod Sabellicum is accuset plane sibi consentien-  
 tem . Concludit tandem , nulquam Sabellicum ita reipublicae utriusque  
 gesta inter se contulisse , ut potentiam vel imperium aequaret : Sed in  
 quibusdam rebus tantum eventa , pericula , labores , consilia , fortunae varietates ,  
 atque id genus alia notavit , in quibus cum multa inveniret inter se quam simil-  
 lima , operae pretium duxit , quam speciem & similitudinem in iis cognovisset ,  
 eandem quoque spectandam aliis exhibere . Ab accusatione altera paucis expe-  
 dit se Crassus , nescire se dicens , quid Coccius praeterierit , in quo  
 verius rempublicam utramque inter se componeret .

(d) Tom.II.  
 Poem. edit.  
 Lugd. 1591.  
 in 8. p. 329.

At gravissimum id omnium est , quod Jovius impudenter objecit , ab  
 eodem Coccio , adulacione parum sobria , tenebras gestorum veritati esse  
 offusas . Julius Caelar Scaliger in satyrico poemate de regnorum eversioni-  
 bus (d) longe atrocius petit , non tam Sabellicum , quam nostram  
 ipsam Rempublicam . Juvat referre carmina , mendacissimam hominis  
 dicacitatem declarantia .

Venalis item penna Sabelli latronis ,

Qui dat , adimitque , ut libitum cuique vult .

Falsa , qui rogatus , undenam tot effet ausus :

Monstrans Venetum aureum nomisma ,

Te , inquit , quoque lex haec faceret loqui , si haberet .

Non autem mirum , quod Scaliger infensiorem se Venetis praebuerit ,  
 eorumque historico Sabellico . Paterni se quoque odii heredem in ope-  
 rum suorum non paucis Justus-Josephus Scaliger exhibit : sed utrum-  
 que movit ambitio , qua credi se voluerunt e Scaligera gente natos ,  
 quae Veronae imperitavit ; adeo ut Rempublicam hanc , cuius in di-  
 tionem ultro se Veronenles dediderant , tamquam si nullo jure urbem  
 eam-